

Atentatua Getxon

Neguriko 40 familiak gaua etxetik kanpo egin dute, leherketak eragin kalteengatik

Bonba-autoak kalte material ugari eragin zituen Getxoko Amann kaleko etxeetan

Joseba Arruti / Bilbo

◀ **Pilar Aresti PPko senadorearen etxebizitzaren aurrean herenegun ETAK zartarazitako bonba-autoak kalte**

material ugari eragin zituen inguruko etxebizitzetako leihoetan, eta 40 familiak etxetik kanpo igaro behar izan zuten gaua. Konponketa lanak egun batzuetan luzatuko dira, eta

Udalak laguntza eskaini die auzokideei lo egiteko lekuak bilatzeko eta Konpentsazio Partzuergoak eman beharreko diru kopurua aurreratze-ko.



LUIS TEJIDO / EFE—JOSU ETXEBARRIOSTE

Ezkerrean, suhiltzaileak eraikinetako kalteak konpontzen. Eskuinean, Pilar Aresti PPko diputatua, leherketak zoruan egindako zuloari begira.

ETA-REN bonba-autoak Getxoko Neguri auzoaren bihotzean egin zuen eztanda herenegun iluntzean, eta kalte itzelak eragin zituen. Leku-ko batek honela azaldu zion EGUNKARIARI une horretan bizitakoa: «Metroko geltokian nengoen [Arestiren etxetik 300 bat metrora] eztanda ikaragarria entzun nuenean, erlojura begiratu eta 20:22 ziren. Gero Amann kalera hurbildu eta kristalak eta ke handia ikusi genituen».

Bonba-autoaren eztandak kalte material ugari eragin zituen eremu zabal bateko etxebizitzetan. Kristalak hausteaz gain, teilak bultzatu eta hainbat leiho errotik atera zituen. Kalte gehien jaso zuten 40 familiak lagunen eta senitartekoen etxeetan igaro zuten gaua.

Atentatua jazo eta hiru ordura Javier Balza Barne sailburuak emandako prentsaurrekoan azaldu zuenez, «Gara egunkarian eta Getxoko udaltzaingoan dei bat jaso da autoak eztanda egin baino bost

minutu lehenago, eta ertzainak atez ate joan dira etxeetara auzokideei babes zitezen eskatuz». Ertzain batek zauriak jasan zituen belarrarian.

Horrez gain, Konpentsazio Partzuergoak kalteak ordaintzeko onartuko dituen diru kopuruak aurreratzeke eskaintza ere egin zien kalte-tuei Iñaki Zarrakoa alkateak. Dena den, horretarako beharrezkoa da erakunde horrek

peritazioa egitea, eta Manuel Smith kaleko atentatuaren kasuan (ekainaren 25ean jarri zuten bonba-autoa han) tramite hori dezente atzeratu dela onartu zuen.

Udaltzaingoa leihorik eta kristalik gabe geratu diren etxeen inguruak zaintzen ari-tuko da egunotan, lapurretarik jazo ez dadin. Etxebizitzetan eta trafiko seinaleetan eragindako kalteez gain, Pilar

Arestiren etxe aurreko galtzadetan geratu den zuloak adierazten zuen zein lekutan zegoen autoa eztanda egin zuenean. Jaime Mayor Oreja Barne ministroak atzo eguerdian kaltetutako eremua bisitatu zuenean, Amann kaleak itxita jarraitzen zuen. Suhiltzaileak etxebizitzetako teilatu-hegaletan erortzeko arriskua zuten txintxorak kentzen aritu ziren egun osoan.

Aresti: «Lurrean etzateko esan ziguten»

■ AMANN kalea txikituta gelditu zela ziru-dien herenegun gauean. Ingurueta-ko etxe guztiak kristalik gabe zeuden, eta batzuek errotik aterata zituzten leihoak.

Amann kalea Neguriko Zugazaga itsas pasealekutik oso hurbil dago, Ere-

agako hondartzara-ko errepidea hartzen den lekuan. Kale es-tua da, zuhaitzez be-tea, eta etxe eta jau-regitxo dotoreak di-tu inguruan.

Pilar Aresti 23:00ak pasatxo zi-renean azaldu zen, Iturgaitz eta Villa-rren besoetatik ora-tuta. PPko senadore

bizkaitarra lasai azaldu zen kazeta-rien aurrean: «Oso pozik nago, berriro jaio naizelako. Bo-rrokan jarraituko dut Jaungoikoak bi-zitza ematen didan bitartean eta doha-kabe hauek nirekin amaitzea lortzen ez duten bitartean».

Arestik azaldu

zuenez, «20:30ean kalera irtetekotan nengoen telefonoz hots egin eta ez irte-teko, zoruan etzan-da egoteko esan zi-gutenean». Auzoki-deek ikusi zutenean txaloka hartu eta oi-hu batekin agurtu zuten Aresti: «Hil ar-te bozkatuko zaituz-tegu!».

laburrean

■ **Gorka Martinez eta Miriam Campos ez kaleratzeko eskatu du Entzutegi Nazionalako fiskalak**

ENTZUTEGI NAZIONALE-KO fiskalak Gorka Marti-nez eta Miriam Campos ez kaleratzeko eskatu zuen atzo. ETArek nazioarteko aparatuan partaide izatea leporatzen diete. Ihes egi-teko arriskurik ez zegoela-ko eta lehenago ez zituzte-lako epaitu eskatu zuen defentsak kalera ateratze-ko. Fiskalaren erantzuna ezezkoa izan da: Martinez lehenago ere epaitu zutela esan du, HBko Mahai Nazionalako kide izatea-gatik, eta kalera atera zenean nazioarteko apara-tua sortu zuela, «ETAk zuzenean aukeratuta», Garzon epailearen autoa-ren arabera.

■ **Guardia Zibila Udako Gazte Eskolaren inguruan egiten ari den jazarpena salatu du Haikak**

HAIKA erakundeak ohar baten bidez atzo salatu zuenez, Legution egiten ari diren Udako Gazte Eskoletan Guardia Zibila «etengabe» idabil han. Euskal gazteenganako «gorrotoa» azalaraztea egotzi zion Haikak Guar-dia Zibilari, eta Euskal Herriak ezagutu dituen «pasarte ilunenen» eran-tzule izatea. Hala ere, Udako Gazte Eskolek egi-tarautan prestatuturik zego-en bezala jarraituko dute-la azpimarratu zuen era-kunde abertzaleak. «Oz-topo guztien gainetik, gure borondatea solasal-di eta hausnarketak bere horretan segitzea da», azaltzen zuen Haikaren oharra.

■ **Entzutegi Nazionalak Jean Labade GALEko ustezko kidea Frantziara estraditatu du**

ENTZUTEGI NAZIONA-LAK Jean Labade *Philippe* ustezko GALEko kidea Frantziara estraditaztea erabaki du. 1984. urtean ETako ustezko kide ziren Javier Perez Arenaza eta Tomas Perez Revillaren hilketak burutzeko in-formazioa ematea lepora-tzen diote Labaderi. 1999ko azaroan atxilotu zuen Espainiako Poliziak, Pontevedran. Lehenago, Portugalgo espetxeetan egon zen 1994. urtean presidentearen amnis-tia bat zela-eta atera zen arte.